

神輿本經會通

神農本草經會通卷之六

玉石部

石膏

五色石脂

青石脂

赤石脂

黃石脂

白石脂

黑石脂

玄明粉

芒消

朴消

消石

馬牙消

生消

食鹽

蓬砂

水銀

輕粉

靈砂

丹砂

石硫黃

砒霜

雄黃

滑石

粉錫

膩粉

鉛丹

鉛

金屑



銀屑

生銀

禹餘糧

白石英

紫石英

代赭石

石鍾乳

陽起石

礪砂

伏龍肝

石灰

雜灰附

礪石

綠礪

柳絮礪

花乳石

漿水

自然銅

鹵鹹

繰絲湯

甘爛水

千里水

東流水

玉屑

玉泉

雲母

石膽

空青

綠青

扁青

太陰玄精

無名異

戎塩

凝水石

雌黃

蜜陀僧

珊瑚

磁石



柔鐵

鐵落

鐵精

鐵藝

淬鐵水

針砂

鍛鎖下

鐵屑

刀刃

鉄屑

犁鏡尖

鐵漿

鐵華粉

生鉄

鋼鐵

鉄繡

秤錘

鎗墨

赤銅屑

銅青

古文錢

石鱗

石鷲

桃花石

礞石

礪石

不灰木

地漿

半天河

臘雪

秋露水

車渠

古鏡

布鍼

銅盆

馬腦

東壁土



梁上塵

方解石

井泉石

銅器

炊湯

麻沸湯

潦水

白堊

礬石




神農本草經會通卷之六

玉石部

石膏○臣也使也。鷄子爲之使。惡莽草、馬目毒公、巴豆、畏鉄。○細理白澤者良。黃者令人淋。○凡使勿用方解石。雖白不透明。其性燥。○局云火煨研細水飛。

味辛甘。氣微寒。大寒。無毒。○湯云入手太陰經。少陽經。足陽明經。○東云墜頭疼。解肌消煩渴。○又云沉也。陰也。制火邪。清肺氣。仲景有白虎之名。除



胃熱奪其食。易老云。大寒之劑。○珍云。陽明大寒藥。治傷寒頭痛。三焦熱潤肺。解肌并發汗。白芷爲使。可治風熱牙疼。無極熱不可輕用。○韋云。清金制火。寧肺除頭痛。止渴退晡熱。除胃熱奪其食。○本經云。主中風寒熱。心下逆氣。驚喘。口乾舌焦。不能息。腹中堅痛。除邪鬼。產乳。金瘡。除時氣。頭痛身熱。三焦大熱。皮膚熱。腸胃中膈氣。解肌發汗。止消渴。煩逆。腹脹。暴氣喘息咽熱。亦可作浴湯。○藥性論云。使治傷寒頭痛如裂。壯熱皮如火燥。煩渴解。

肌出毒汗。主通胃中結。心下急。煩燥。治脣口乾焦。
和葱煎茶。去頭痛。○肖炳云。臣。○日華子云。治天
行熱狂。下乳。頭風旋。心煩燥。揩齒益齒。○象云。治
足陽明經中熱。發熱。惡熱。燥熱。日晡潮熱。自汗。小
便滑赤。大渴引飲。肌肉壯熱。苦頭痛之藥。白虎湯
是也。善治本經頭痛。若無餘証。勿用。○心云。細理
白澤者。良。甘寒。胃經大寒藥。潤肺除熱。發散寒邪。
緩脾益氣。○珍云。辛甘。陰中之陽。止陽明經頭痛。
胃弱不可服。牙痛須用香白芷。○太上云。石膏發

又入手太陰。手少陽。彼方解石止有體重質堅性寒而已。求其所謂石膏。而可謂三經之主者。焉在哉。○又云。軟石膏。可研爲末。醋丸如菉豆大。以瀉胃火。痰火。食積。殊驗。○集云。清金制火。潤肺。除三焦大熱。瀉胃火。治胃熱不食。胃寒人不可服。○百一選方云。寒水石。用火煨。南人謂之軟石膏。集成經驗俱同。○又有爛石膏者。用火煨。○衍義曰。石膏。二書紛辦不決。未悉厥理。詳本經。元無方解石之說。正緣唐本注石羔方解石。大體相似。因此一

說後人遂惑經曰。生齊山山谷。及齊廬山。魯蒙山。採無時。卽知他處者爲非。今啻經中。又以汾州者編入。前後人都不詳經中所言。細理白澤者。良故知不如是。則非石羔也。下有理石條中經云。如石羔順理而細。又可明矣。今之所言石羔方解石二者。有等。有順理細文。又白澤者。有是。則石羔也。無是。則非石羔也。仍須是經中所言州土者。方可入藥。餘皆偏見。可畧不取。仲景白虎湯中。服之如神。新校正仲景傷寒論。後言四月已後。天氣熱時。用。

本經云。主養肝膽氣。明目。療黃疸。洩痢。腸澼。女子帶下百病。及疽痔惡瘡。久服補髓益氣。不飢延年。○生齊區山。及海崖。○又出蘇州餘杭山。不甚佳。唯延州山中所出良。

赤石脂。○君也。惡大黃。松脂。畏芫花。○以色理鮮膩者爲勝。○生濟南射陽。及太山。今不聞出者。今出潞州。

味甘酸辛。氣大溫。無毒。○湯同。○東云。治精濁。止瀉。補崩中。○又云。降也。陽中陰也。固腸胃。有收斂

之能下胎衣。無推蕩之峻。○珍云。養心療腹痛。赤白味無殊。末能固脫。瀉瀉痢治同途。○韋云。固腸胃。下胎衣。有收斂之功。

本經云。主養心氣。明目。益精。療腹痛。洩瀉。下痢。赤白。小便利。及癰疽瘡痔。女子崩中漏下。產難。胞衣不出。久服補髓。好顏色。益智。不飢。輕身延年。○藥性論云。君。補五臟虛乏。○呂經云。千金翼論曰。治痰飲吐水。無時節者。其源以飲冷過度。遂令脾胃氣羸。不能消於飲食。飲食入胃。則皆變成冷水。反



吐不停。皆赤石脂散主之。又主下痢。補五臟。令人肥健。有人痰飲。服諸藥不効。用此方遂愈。○其雜諸藥用者。則張仲景治傷寒下痢不止。便膿血者。桃花湯主之。○湯云。同本經。五色石脂各入五臟補益。○東垣云。赤白石脂並溫。無毒。畏黃芩。芫花。惡大黃。

本經云。澁可去脫。石脂爲收斂之劑。胞衣不出。澁劑可以下之。赤入丙。白入庚。○珍云。赤白石脂俱甘酸。陽中之陰。固脫。○心云。甘溫。篩末用。去脫。澁。

以固腸胃。○局方。本草云。青石脂。養肝膽氣。明目。
黑石脂。養腎氣。強陰。主陰蝕瘡。黃石脂。養脾氣。除
黃疸。餘與赤白同功。○丹溪云。氣溫。味甘酸。本草
主養心氣。明目。益精。治腹痛。泄痢。下利。赤白。小便
利。及癰疽瘡痔。女子崩漏。產難。胞衣不出。其五色
石脂。各入五臟補益。澁可以去脫。石脂爲收斂之
劑。胞衣不出。澁劑可以下之。是赤入丙。白入庚也。
○衍義曰。赤石脂。今四方皆有。以舌試之。粘著者
爲佳。有人病大腸寒滑。小便精出。諸熱藥服及一

斗二升。未甚効。後有人教服赤石脂、乾薑各一兩、胡椒半兩。同爲末。醋糊丸。桐子大。空心及飯前米飲下五七十丸。終四劑。遂愈。○釗云。赤石脂甘酸。且溫。固腸胃。有斂收功。胎衣不下。宜斯逐。順落不爲峻急攻。○局云。赤石脂溫。除腹痛。更攻下痢洩。無時崩中漏下。并難產。瘡痔癰疽。亦主之。

黃石脂 ○曾青爲之使。惡細辛。畏蜚蠊。○色如鶯雛。生嵩高山。

味苦。氣平。無毒。

本經云。主養脾氣。安五臟。調中。大人小兒洩痢。腸
澼。下膿血。去白蟲。除黃疸。癰疽蟲。久服輕身延年。
白石脂。○燕屎爲之使。惡松脂。馬目毒公。畏芩黃連。
甘草。飛廉。生太山之陰。今不聞有之。○今惟潞州
有焉。

味甘酸。氣平。無毒。

本經云。主養肺氣。厚腸。補骨髓。療五臟驚悸。不足。
心下煩。止腹痛。下水。小腸澼熱。澹便膿血。女子崩
中漏下赤白。沃排癰疽瘡痔。久服安心不飢。輕身。

長年。○藥性論云。味甘辛。澁大腸。○面經云。今惟
用赤白二種。餘不復識。○獨行方。治小兒臍中汁
出不止。兼赤腫。以白石脂細末。熬溫撲臍中。日三
良。○斗門方。治瀉痢。用白石脂乾薑二物。停擣。治
以百沸湯。和麪爲稀糊。搜勻。併手丸如梧子。暴乾。
飲下三十丸。久痢不定。更加三十丸。霍亂。煎漿水
爲使。○衍義云。白石脂。有初生未滿月小兒多啼
叫。致臍中血出。以白石脂細末貼之。卽愈。未愈。微
微炒過。放冷。再貼。仍不得剝揭。